

ՀԿՊ ԿԵՆՏՐՈՆԻ
ՊՐՈՊԱԳԱՆԴԱՅԻ ԵՎ
ԱԳԻՏԱՅԻԱՅԻ ԲԱԺԻՆ

ՆԳԻՐԱՄԱՐՈՒԹՅՈՒՆ
ԲԼՈՎՆՈՏ

№ 11

ՀՈՒՆԻՍ

1954

ОБЯЗАТЕЛЬНЫЙ
ЭКЗЕМПЛЯР

ԲՈՎԱՆԴԱԿՈՒԹՅՈՒՆ

Նյութեր գրույցների համար

Հ. ՄԱԴՈՅԱՆ.— Հայկական ՍՍՌ-ն Համամիութենական գյուղատնտեսական ցուցահանդեսում	1
ՅԱ. ԿԱԴՈՒԼԻՆ.— Հյուսիսային Կորեայի աշխատավորները նոր կյանք են կառուցում	9
Ա.Ր. ՍԱՐԳՍՅԱՆ.— Զբոյց մեր ռեսպուբլիկայի և րեկոյան հանրակրթական դպրոցների մասին	13

Առաջավորների փորձից

Մ. ՂԱԶԱՐՅԱՆ.— Տրակտորային աշխատանքի վարպետները	25
--	----

Օգտագործիչ գրույցի ժամանակ

Աշխատավորների դրույթունը և սլոյքարը կապիտալի երկրներում (Թվեր և փաստեր)	33
---	----

Յգնություն ագիտատուրին

Ռեմաներ և դրականություն ագիտատուրների դրույցների համար	40
--	----

Տեղեկատու բաժին

Րոննի և Փարիզի սլոյքմանագրերը	45
-------------------------------	----

Խմբագրության հասցեն.— Երևան, ՀԿԳ Կենտկոմ, Գրոպագանդայի և ագիտացիայի բաժին, Հեռախոս 2—52—78:

54-622

ՆՅՈՒԹԵՐ ԶՐՈՒՅՏՆԵՐԻ ՀԱՄԱՐ

ՀԱՅԿԱԿԱՆ ՍՍՌ-Ն ՀԱՄԱՄԻՈՒԹԵՆԱԿԱՆ ԳՅՈՒՂԱՏՆՏԵՍԱԿԱՆ ՑՈՒՑԱՀԱՆԴԵՍՈՒՄ

Հ. ՄԱԴՈՅԱՆ

Գյուղատնտեսական գիտությունների
բեկնածու

Այս տարվա օգոստոսի 1-ին Մոսկվայում բացվելու է Համամիութենական գյուղատնտեսական ցուցահանդեսը, որտեղ ցուցադրվելու են մեր երկրի սոցիալիստական գյուղատնտեսության զարգացման գործում ձեռք բերված վիճիարի նվաճումները:

Եղբայրական մյուս ռեսպուբլիկաների հետ միասին Համամիութենական գյուղատնտեսական ցուցահանդեսում սոցիալիստական գյուղատնտեսության զարգացման գործում ձեռք բերած իր նվաճումները ցուցադրելու է նաև Հայկական Սովետական Սոցիալիստական Ռեսպուբլիկան:

Մեր ռեսպուբլիկան իր նվաճումները ցուցադրելու է ինչպես ռեսպուբլիկական, այն-

54/54



պես էլ բաղմամբիւ մասնագիտացված պալի-
լիոններով: Լայն ցուցադրման կարգով ներ-
կայացվելու են մոտ 200 առաջավոր կոլ-
տնտեսություններ, կոլտնտեսային անասնա-
պահական ֆերմաներ, սովխոզներ, անտառ-
տնտեսություններ, մեքենա-տրակտորային
կայաններ, գիտա-հետազոտական և բարձ-
րագույն ուսումնական հաստատություններ,
ինչպես նաև առաջավոր աշխատողներ: Յու-
ցահանդեսի թեկնածուների թիվը հասնում է
ավելի քան 800-ի:

Մեր ռեսպուբլիկայից ցուցահանդեսի թեկ-
նածու է առաջադրված Շահոմյանի շրջանը,
որը աչքի ընկնող հաջողությունների է հասել
հանրային անասնաբուծության զարգացման
գործով:

Շահոմյանի շրջանի կոլտնտեսություննե-
րը յուրաքանչյուր ֆուրաժային կովից 1952
թվականին ստացել են 2.118 կգ., իսկ 1953
թվականին՝ 2.289 կգ. կաթ: 1949 թվականի
համեմատությամբ՝ 1953 թվականին Շա-
հոմյանի շրջանի կոլտնտեսություններում
յուրաքանչյուր կովի կաթնատվությունը
բարձրացել է մոտ 4 անգամ: Զգալի հա-
ջողություններ են ձեռք բերված նաև անաս-
նաբուծության մյուս ճյուղերի՝ խոզաբուծու-
թյան, ոչխարաբուծության և թռչնաբուծու-

— 2 —

թյան զարգացման գործով: Այսպես, եթե
1949 թվականին յուրաքանչյուր մերունից
ստացվել էր 6, ապա 1952 թվականին ստաց-
վեց 17 խոճկոր: Յուրաքանչյուր 100 մաքից
անցյալ տարի ստացվել է 102 գառ:

Անասնաբուծության և գյուղատնտեսու-
թյան մյուս ճյուղերի զարգացման գործով
ձեռք բերած նվաճումների համար շրջանի
ավելի քան 150 առաջավորներ, կոլտնտեսու-
թյուններ, անասնապահական ֆերմաներ ա-
ռաջադրվել են Համամիտթենական գյուղա-
տնտեսական ցուցահանդեսի թեկնածուներ:
Դրանց թվում են Կալինինի անվան կոլտն-
տեսության վարչության նախագահ Բ. Մը-
կերտչյանը, կաթնապրանքային ֆերմայի
վարիչ Ա. Ավետիսյանը, կթվորոտհի Հ. Հով-
հաննիսյանը, պարտիայի Շահոմյանի շրջ-
կոմի առաջին քարտուղար Սոցիալիստական
Աշխատանքի Հերոս Դ. Հովհաննիսյանը,
շրջսովետի գործկոմի նախագահ Սոցիալիս-
տական Աշխատանքի Հերոս Թ. Կիրակոսյա-
նը, ՄՏ կայանի դիրեկտոր Ա. Խաչատրյանը
և շատ ուրիշներ:

Հիշատակության արժանի է նույն շրջանի
Կալինինի անվան կոլտնտեսությունը, որը
ցուցահանդեսին ներկայացվում է անասնա-

— 3 —

բուծութեան զարգացման գործում ձեռք բերած փայլուն նվաճումներով:

Կալինինի անվան կոլտնտեսությունը յուրաքանչյուր ֆուրաժային կովից 1952 թվականին ստացել է 3.395 կգ., իսկ 1953 թվականին՝ 3.345 կգ կաթ: Կովերի կաթնատվութեամբ այս կոլտնտեսությունը առաջին տեղն է գրավում ռեսպուբլիկայում: Անցյալ տարի աշատեղ վարելահողի, մարդագետնի և արտավայրերի յուրաքանչյուր 100 հեկտար տարածությունից ստացվել է 445,9 ցենտներ կաթ: 1949 թվականի համեմատությամբ 1953 թվականին յուրաքանչյուր ֆուրաժային կովի կաթնատվությունը բարձրացել է ավելի քան 6,5 անգամ:

Ծխախոտագործության զարգացման գործում ձեռք բերած նվաճումների համար Համախոտակա զբուղատնտեսական ցուցահանդեսի թեկնածու է առաջադրված Ազիզբեկովի շրջանի Արենի գյուղի Կալինինի անվան կոլտնտեսությունը:

Այս կոլտնտեսությունը 1952 թվականին 40 հեկտար ծխախոտի ցանքատարածության յուրաքանչյուր հեկտարից ստացել է 22,5 ցենտներ բերք:

Ծխախոտագործության և գյուղատնտեսության մյուս ճյուղերի հաջող զարգացման

— 4 —

շնորհիվ կոլտնտեսությունը վաղուց արդեն միլիոնատեր է, աճել է կոլտնտեսականների նյութական բարեկեցությունը: 1952 թվականին յուրաքանչյուր աշխօրին կոլտնտեսությունը բաշխել է 4 կգ. հացահատիկ, 12 ո. դրամ, 1 կգ. խաղող և այլ մթերքներ: 1953 թվականին յուրաքանչյուր աշխօրի դիմաց կոլտնտեսականները ստացել են 4,1 կգ. հացահատիկ, 10 ո. դրամ, 1 կգ. խաղող, ինչպես նաև բանջարեղեն, կաթնամթերք և այլն:

Կոլտնտեսական Ս. Գասպարյանը, իր վաստակած աշխօրերի դիմաց կոլտնտեսությունից ստացել է 5,5 տոննա հացահատիկ, 6,7 ցենտներ խաղող, 5 ցենտներ բանջարեղեն, 13 հազար ռուբլի դրամ և մեծ քանակությամբ այլ մթերքներ:

Արենի գյուղի Կալինինի անվան կոլտնտեսությունն այդ հաջողություններին հասել է աշխատանքի ճիշտ կազմակերպման, արտադրության մեջ աշխատանքի առաջավոր մեթոդներ կիրառելու և սոցիալիստական մրցություն ծավալելու շնորհիվ:

Այստեղ համարձակ կերպով արմատավորվում է երկրի առաջավոր ծխախոտագործների աշխատանքի հարուստ փորձը: Կոլտնտեսության 11 ծխախոտագործներ ծխախոտի բարձր բերք ստանալու համար արժա-

— 5 —

նացել են Սոցիալիստական Աշխատանքի Հե-
րոսի կոչման, իսկ 47-ը պարգևատրվել են
ՍՍՌՄ շքանշաններով ու մեդալներով: Ծխա-
խոտի բարձր բերք աճեցնելու համար Սո-
ցիալիստական Աշխատանքի Հերոսներ Ա.
Բաղդասարյանը, Ա. Դավթյանը, Փ. Մանուկ-
յանը, Հ. Գրիգորյանը, Ա. Սիմոնյանը և շատ
ուրիշներ այժմ առաջադրվել են Համամիու-
թենական գյուղատնտեսական ցուցահանդե-
սի թեկնածուներ:

Այգեգործության և շերամապահության
գարգացման գործում ձեռք բերված բարձր
ցուցանիշների համար Համամիութենական
գյուղատնտեսական ցուցահանդեսի թեկնա-
ծու է առաջադրված Մեղրու շրջանի Ստալինի
անվան կոլտնտեսությունը:

Ստալինի անվան կոլտնտեսությունը 1953
թվականին պտղատու այգիների յուրաքան-
չյուր հեկտարից ստացել է 102,8 ցենտներ
բերք, իսկ խաղողի այգիների յուրաքանչյուր
հեկտարից՝ 144 ցենտներ: Զգալի չափով
բարձրացել է բոժոժի բերքատվությունը:
1952 թվականին յուրաքանչյուր տոնից ա-
ճեցրել են 76—92 կգ. բոժոժ, իսկ 1953 թվա-
կանին՝ 70—85 կգ.:

Բերքատվության բարձրացման շնորհիվ
տարեցտարի կոլտնտեսությունը աճելի շատ

— 6 —

բերք է բաշխում կոլտնտեսականների վա-
տակած աշխօրերի դիմաց: Այսպես, 1952
թվականին յուրաքանչյուր աշխօրին բաշխվել
է 17 ու 22 կոպեկ, մոտ 1 կգ. խաղող, 0,5
կգ. բանջարեղեն և այլ մթերքներ: 1953 թվա-
կանին յուրաքանչյուր աշխօրին բաշխվել է
25 ու 36 կոպեկ, 1,8 կգ. խաղող, 1,5 կգ.
բանջարեղեն, 0,7 կգ. հացահատիկ և այլ
մթերքներ:

Համամիութենական գյուղատնտեսական
ցուցահանդեսում կցուցադրվեն Լոռվա տոհ-
մային անասնաբուծական սովխոզի, Հոկ-
տեմբերյանի հենակետային ցուցադրական
ՄՏ կայանի, Արտաշատի շրջանի Փարիզյան
կոմունայի անվան, Սևանի շրջանի Վարսեր
գյուղի, Թալինի շրջանի Սպանդարյանի ան-
վան կոլտնտեսությունների, Լենինականի
պետական սելեկցիոն կայանի, Երևանի Ա-
նասնաբուծական ինստիտուտի, անտառ-
տնտեսության և ուրիշ շատ կոլտնտեսու-
թյունների ու կազմակերպությունների նվա-
ճումները: Ցուցահանդեսում կցուցադրվեն
նաև ռեսպուբլիկայի պատանի բնասերների
խմբակների աշխատանքների արդյունքները:

Ռեսպուբլիկայի պավիլիոնում և մասնա-
գիտացված մյուս պավիլիոններում ցուցա-

— 7 —

դրելու համար արդեն Մոսկվա են ուղարկված հացահատիկային կուլտուրաների, բանջարեղենի, զանազան մրգերի և գյուղատնտեսական շատ այլ մթերքների ֆրապոնտներ:

Մոտ օրերս Մոսկվա կուղարկվեն նաև կաթնամթերքների, զանազան տեսակի խումիչքների և կենդանիների լավագույն ֆրապոնտներ:

Այժմ մեր ուսպոբլիկայի կուլտնտեսություններում, սովխոզներում, ՄՏ կայաններում, գիտա-հետազոտական և ուսումնական հիմնարկներում սոցիալիստական մրցություն է ծավալվում՝ Համամիութենական գյուղատնտեսական ցուցահանդեսին մասնակցելու իրավունք նվաճելու համար:

ՀՅՈՒՍԻՍԱՅԻՆ ԿՈՐԵԱՅԻ ԱՇԽԱՏԱՎՈՐՆԵՐԸ ՆՈՐ ԿՑԱՆՔ ԵՆ ԿԱՌՈՒՑՈՒՄ

ՅԱ. ԿԱԴՈՒԼԻՆ

Այս օրերին, երբ ժնկում արտաքին գործերի մինիստրների խորհրդակցությունում քննարկվում է Կորեական հարցը, նորից ամբողջ մարդկության ուշադրությունը բեռված է իր նոր կյանքը կառուցող հերոսական կորեական ժողովրդի վրա:

Երկարամյա յապոնական գաղութային ճնշումից Սովետական Բանակի կողմից ազատագրված Հյուսիսային Կորեայի աշխատավորները ստեղծեցին նոր՝ ժողովրդադեմոկրատական կարգեր, որոնք անսահմանափակ հնարավորություններ տվեցին էկոնոմիկայի և կուլտուրայի զարգացման, ժողովրդի նյութական բարեկեցության աճման համար:

Կարճ ժամանակամիջոցում Հյուսիսային Կորեայում իրականացվեցին արմատական դեմոկրատական վերափոխություններ՝ տնտեսական, բաղադրական և կուլտուրական

կյանքի ասպարեզում: Անցկացվեց հողային ռեֆորմ, որի շնորհիվ 727.522 հողագուրկ և սակավահող գյուղացիական տնտեսություններ անվճար ստացան մեկ միլիոն հեկտարից ավելի հող, որը բռնագրաված էր յապոնական կալվածատերերից, յապոնասիրական տարրերից և ազգային դավաճաններից: Արդեն 1950 թվականին արդյունաբերական արտադրության մակարդակը, 1944 թվականի համեմատությամբ, բարձրացավ 51,4 տոկոսով, բրնձի համախառն բերքը 1949 թվականին, 1944 թվականի համեմատությամբ, կազմեց 148 տոկոս: Երկրում իսպառ վերացված է գործազրկությունը, լուծված է պարենային պրոբլեմը:

Կորեական Ժողովրդա-Դեմոկրատական Ռեսպուբլիկայի ամրությունը հատուկ ուժով դրսևորվեց ամերիկյան ինտերվենտների և նրանց լիսինմանական վարձկանների միացյալ ուժերի դեմ մղած եռամյա հերոսական պայքարում: Պատերազմի ամենածանր տարիներին, չնայած գազանային ավերիչ ուժակոծություններին, ԿԺԴՌ արդյունաբերությունը և գյուղատնտեսությունը հաջողությամբ էին լուծում իրենց խնդիրները, ապահովելով ռազմաճակատի և թիկունքի կարիքների բավարարումը:

— 10 —

Այժմ Հյուսիսային Կորեայի աշխատավորները ժողովրդական կառավարության և Աշխատանքային պարտիայի ղեկավարությամբ, չտեսնված խանդավառությամբ վերականգնում են ժողովրդական տնտեսությունը: Կորեայում գինադադար հաստատելուց հետո անցել է ընդամենը 9 ամիս, բայց այդ ժամանակում արդեն շատ բան է արված պատերազմի հետևանքները վերացնելու համար:

Ժողովրդական կառավարությունը և Աշխատանքային պարտիան առաջին հերթին հոգ տարան վերականգնելու շինանյութերի գործարանները և կառուցելու նորերը, ինչպես նաև կազմակերպելու շինափայտի հայթայթումը՝ ամբողջ երկրում շինարարական աշխատանքները լայն ճակատով ծավալելու համար: Եվ այդ առաջնահերթ խնդիրը լուծվեց հաջողությամբ: Սինխոբիլյակի ցեմենտի վերականգնված գործարանը ամեն օր տալիս է 200 տոննա բարձրորակ ցեմենտ, իսկ բոլոր ցեխերը շահագործման հանձնելուց հետո, տարեկան կարտադրվի 400 հազար տոննա ցեմենտ և 4 միլիոն քառակուսի մետր շիֆեր: Տեսենի աղյուսի գործարանը օրական արտադրում է 300 հազար աղյուս: Անընդհատ հոսանքով փայտ է գալիս պեկ-

տուժանյան անտառարդտնտեսություններից, որոնք կազմակերպվել են պատերազմից հետո:

ԿԺԴՄ կառավարությունը մշակել է ժողովրդական տնտեսության վերականգնման և հետագա զարգացման եռամյա պլան: Արդեն այս տարի արդյունաբերության համախառն արտադրանքի աճը անցյալ տարվա համեմատությամբ կկազմի 160,8 տոկոս, իսկ հացահատիկի համախառն բերքը՝ 120 տոկոս:

Ինչպես հայտնի է, Հյուսիսային Կորեայի ժողովրդական տնտեսության վերականգնման համար Սովետական Միությունը անվերադարձ հատկացրեց մեկ՝ միլիարդ ռուբլի: Այդ միջոցները կորեական ժողովուրդը օգտագործում է խոշոր գործարանների, ֆաբրիկաների, էլեկտրակայանների վերականգնման և կառուցման համար, որոնք կազմում են ժողովրդական տնտեսության հիմքը: ՍՍՄՄ-ը Կորեային մատակարարում է գործարանային ժամանակակից սարքավորում, զանազան մեքենաներ, տրակտորներ և գյուղատնտեսական գործիքներ, շինանյութեր, բանող և ցեղական անասուններ, տրանսպորտի միջոցներ, էլեկտրասարքավորում, ձկնորսական նավեր, պարարտանյու-

— 12 —

թեր, օգնում է ազգային ինժեներատեխնիկական կադրեր պատրաստելու գործին, ուղարկում է իր մասնագետները, տեխնիկական կոնսուլտացիա է կազմակերպում:

Չինական ժողովրդական Ռեսպուբլիկան միայն 1954 թվականին Կորեային անհատույց կտրամադրի 100 հազար տոննա հացահատիկ, 30 հազար տոննա սոյա, մի քանի տասնյակ միլիոն մետր գործվածքեղեն, մեծ քանակությամբ ածուխ:

Չեխոսլովակիան Հյուսիսային Կորեայում անվճար կառուցում է ավտոմոբիլային, գործիքային և այլ գործարաններ, ինչպես նաև վերականգնում է ցեմենտի գործարանը և երեք հիդրոէլեկտրակայան: Լեհաստանը 1954—56 թ. թ. ընթացքում կկառուցի շոգեքարշա-վերանորոգման և վազոնավերանորոգման գործարաններ, կվերականգնի և կսարքավորի քարածխի երեք հանքահորեր: Հունգարիան կառուցում է ներկերի փմիական կոմբինատ, չափող գործիքների գործարան, դազգահաշինական գործարան, օգնում է էլեկտրասարքավորումով, կապի միջոցներով և այլ նյութերով: Գերմանական Դեմոկրատական Ռեսպուբլիկան երեք տարվա ընթացքում ԿԺԴՄ-ում կկառուցի դիզելային մոտոռենների գործարան, էլեկտրական գոր-

— 13 —

ծիքների արտադրության գործարան, տպարան: Հյուսիսային Կորեայի վերականգնման գործին մեծ ավանդ են մուծում նաև Ռումինիան, Բուլղարիան, Ալբանիան և Մոնղոլիան:

Հյուսիսային Կորեայի աշխատավորներին Սովետական Միության և Ժողովրդական դեմոկրատիայի երկրների կողմից ցույց տրվող անշահախնդիր մեծ օգնությունը դեմոկրատական լազերի եղբայրական Ժողովուրդների անխորտակելի բարեկամության վառ վկայություն է հանդիսանում:

Հաջողությամբ վերականգնվում է գյուղատնտեսությունը, ընդարձակվում են բրնձի, տեխնիկական կուլտուրաների ցանքատարածությունները, զարգանում է շերամապահությունը: Պատերազմից հետո զգալիորեն աճեց մեքենավարձույթային կայանների ցանցը: Լեռնային շրջաններում, որտեղ հնարավոր չէ տրակտոր գործադրել, կազմակերպված են ձիավարձույթային կայաններ: Ռեսպուբլիկայում ստեղծված են մի շարք պետական հողագործական տնտեսություններ և անասնաբուծական ֆերմաներ: Ժողովրդական կառավարությունը բազմակողմանի օգնություն է ցույց տալիս գյուղատնտե-

— 14 —

սական կոոպերատիվներին և քաջալերում է նրանց հետագա աճը:

Ժողովրդական կառավարությունը հոգատարություն է ցուցաբերում գյուղացիության նկատմամբ: Գյուղացիները ազատված են բնահարկի և պետության կողմից նրանց տրված սերմավարկի ու պարենավարկի գծով ունեցած պարտքերի վճարումից: Վերացված է մսի պարտադիր հանձնումների սիստեմը, գյուղացիությանը դրամական մեծ վարկ է տրվում տնտեսությունը վերականգնելու, բնակելի տներ կառուցելու, անասուններ ու գյուղատնտեսական ինվենտար ձեռք բերելու համար և այլն:

Արդյունաբերության և գյուղատնտեսության հաջող վերականգնումը արդեն այժմ իր դրական ազդեցությունն է ունենում Հյուսիսային Կորեայի աշխատավորության նյութական բարեկեցության բարելավման վրա: Զգալի չափով իջեցված են արդյունաբերական և պարենային ապրանքների գները: Վերջերս 30—50 տոկոսով նորից իջեցվել են բամբակե գործվածքեղենի, կոշկեղենի, սննդամթերքների, կուլտ-ապրանքների և այլ առարկաների պետական մանրածախ գները:

Ամբողջ կորեական ժողովուրդը ձգտում է

— 15 —

կայուն խաղաղություն հաստատել երկրում,
խաղաղ կերպով միավորել իր հայրենիքը
դեմոկրատական հիման վրա:

Ժնևում տեղի ունեցող արտաքին գործերի
մինիստրների խորհրդակցության ԿժԴՄ դե-
լեգացիայի ղեկավար Նամ Իրը կոնստրուկ-
տիվ առաջարկներ մտցրեց կորեական հար-
ցի կարգավորման համար: Նախ և առաջ եր-
կու կողմերն էլ պետք է միջոցներ ձեռնար-
կեն կանխելու Կորեայում պատերազմի վեր-
սկսումը, խաղաղ կերպով վերջնականապես
կարգավորեն Կորեական հարցը: Դեմոկրա-
տական հիմունքներով Կորեայի խաղաղ
միավորման վարեորագույն պայմանն այն է,
որ վեցամսյա ժամկետում Կորեայից դուրս
բերվեն բոլոր օտարերկրյա զորքերը: Կո-
րեան խաղաղ ճանապարհով միավորելու
գործը պետք է հանձնվի հենց իրենց՝ կո-
րեացիներին, առանց դրսից կատարվող
որևէ միջամտության: Հյուսիսային և Հարա-
վային Կորեայի միջև պետք է համաձայնու-
թյուն ձեռք բերվի ամբողջ կորեական ժողո-
վրդի անկաշկանդ մասնակցությամբ հա-
մակորեական ընտրություններ անցկացնելու
մասին: Կորեայի միավորումը խաղաղ ճա-
նապարհով պետք է ավարտվի ամբողջ կո-
րեական ժողովուրդը ներկայացնող համա-

— 16 —

կորեական միասնական դեմոկրատական
կառավարության ստեղծմամբ:

Սակայն Լի Սին Մանի կլիկը և նրա ամե-
րիկյան հովանավորողները վախենում են
դեմոկրատական ընտրություններից, այն
բանից, որ կորեական ժողովուրդը ազատո-
րեն արտահայտի իր կամքը: Նրանք լավ են
հասկանում, որ կորեական ժողովուրդը դեմ
է ամերիկյան գաղութային քաղաքականու-
թյանը, կանգնած է և կանգնած կլինի ա-
զատ, անկախ, դեմոկրատական պե-
տություն ստեղծելու դիրքերում: Դրա հա-
մար էլ Լի Սին Մանը ժնևի խորհրդակցու-
թյան հենց նախօրյակին հանդես եկավ դե-
պի հյուսիս, Կորեական ժողովրդա-Դեմո-
կրատական Ռեսպուբլիկայի դեմ նոր ար-
շավանք կազմակերպելու պրովոկացիոն ըս-
պառնալիքներով:

Ժողովրդա-Դեմոկրատական Ռեսպուբլի-
կան, որին պաշտպանում է ամբողջ պրո-
գրեսիվ մարդկությունը, վստահորեն ընթա-
նում է նոր կյանքի կառուցման ուղիով, իր
հաջողություններով կայուն հիմք ստեղծում
դեմոկրատական հիմունքներով երկրի խա-
ղաղ միավորման համար:

**ԶՐՈՒՅՑ ՄԵՐ ՌԵՍՊՈՒԲԼԻԿԱՅԻ ԵՐԵՎՈՅԱՆ
ՀԱՆՐԱԿՐԹԱԿԱՆ ԴՊՐՈՑՆԵՐԻ ՄԱՍԻՆ
ԱՐ. ՍԱՐԳՍՅԱՆ**

**Հայկական ՍՍՌ Լուսավորության
մինիստրության դպրոցական տեսուչ,
վաստակավոր ուսուցիչ**

Սովետական Հայաստանում աճող ու զարգացող ժողովրդական կրթության սխառեմում պատշաճ տեղ են գրավում երեկոյան հանրակրթական դպրոցները:

Այդ դպրոցների նպատակն է արտադրության մեջ և գյուղատնտեսական աշխատանքում զբաղված երիտասարդությանն առանց աշխատանքից կտրելու յոթնամյա և միջնակարգ կրթություն տալ և նրանց հնարավորություն ընձեռել սովորելու միջնակարգ մասնագիտական ու բարձրագույն ուսումնական հաստատություններում:

Այժմ մեր ռեսպուբլիկայում կան բանվոր երիտասարդության երեք տիպի դպրոցներ՝ տարրական՝ 1—4 դասարաններով, յոթնամյա՝ 1—7 դասարաններով և միջնակարգ՝ 1—

— 18 —

10 դասարաններով և երկու տիպի գյուղերիտ դպրոցներ, տարրական՝ 1—4 դասարաններով ու յոթնամյա՝ 1—7 դասարաններով: Բաներիտ և գյուղերիտ դպրոցների յուրաքանչյուր դասարանում սովորողների առավելագույն թիվը սահմանված է 20 հոգի: Ուսման տարին բաներիտ դպրոցներում ըսկըսվում է մասսայական հանրակրթական դպրոցների հետ միասին՝ սեպտեմբերի 1-ից և ավարտվում է հունիսի 27-ին, ներառյալ ավարտական և փոխադրական քննությունների համար սահմանված ժամանակաշրջանը, իսկ գյուղերիտ դպրոցներում ուսումնական տարին սկսվում է նոյեմբերի 1-ից և ավարտվում մայիսի 1-ին: Երիտասարդ բանվորների և կոլտնտեսականների հաջող ուսուցման համար ստեղծված են նպաստավոր պայմաններ, ինչպես նաև նրանց տրված են մի շարք արտոնություններ: Բաներիտ դպրոցներում սովորողները Միովեհնական կառավարության որոշմամբ կատարում են այնպիսի աշխատանք, որը չի խանգարում նրանց դպրոց հաճախելուն: Բացի այդ, նրանք ազատված են ուսման վարձից և միաժամանակ տարեվերջի քննությունների շրջանում ստանում են լրացուցիչ արձակուրդ: Արձակուրդի ընթացքում լրիվ շա-

— 19 —

փով պահպանվում է նրանց աշխատավարձը: 10-րդ դասարաններում սովորողներին տրվում է 20 օր լրացուցիչ արձակուրդ, իսկ 7-րդ դասարանում սովորողներին՝ 15 օր: Այդ նույն յոռշմամբ ձեռնարկությունների ղեկավարներին պարտավորեցված է մնացած դասարաններում սովորողներին՝ քննությունների շրջանում ազատել աշխատանքից և ազատված օրերը հաշվի առնել հերթական արձակուրդ տալու ժամանակ:

Հասունության ատեստատի քննությունները հանձնելիս բաներիտ դպրոցի աչքի ընկնող առաջադիմություն ցույց տվող աշակերտները պարգևատրվում են յակե և արծաթե մեդալներով:

Իրենց կազմակերպման օրից բաներիտ դպրոցները հակաշակաճ աշխատանք են կատարել մեր ռեսպուբլիկայի երիտասարդ բանվորներին ու բանվորուհիներին միջնակարգ կրթություն տալու գործում: Երիտասարդ բազմաթիվ բանվորներ անցած 10 տարիների ընթացքում սովորելով բաներիտ դպրոցում և ավարտելով այն, հաջողությամբ ընդունվել են ռեսպուբլիկայի բարձրագույն ուսումնական հաստատություններում սովորելու: Նրանցից շատերն ավարտել են Երվանի Պետական համալսարանը և ինստի-

— 20 —

տոտները ու այժմ ստեղծագործական աշխատանք են կատարում մեր երկրի ժողովրդական տնտեսության, կուլտուրայի և առողջապահության տարբեր բնագավառներում:

Միայն անցյալ ուսումնական տարում ռեսպուբլիկայի 37 բաներիտ դպրոցներում, անոնց արտադրությունից կտրվելու սովորել են 5.529 բանվորներ, որոնցից ավելի քան 5.000 հոգի փոխադրվեցին հաջորդ դասարան: Ավելի քան 1000 բանվորներ և բանվորուհիներ ավարտեցին բաներիտ դպրոցներն ու ստացան հասունության վկայական: Երեւան քաղաքի բաներիտ դպրոցներում հասունության վկայական ստացան ավելի քան 500 երիտասարդներ: Միայն Լենինական քաղաքի Մանածագործարանին կից բաներիտ դպրոցն անցյալ ուսումնական տարում ավարտեցին 80 բանվորներ ու բանվորուհիներ:

Տարեցտարի ծավալվում է բանվոր երիտասարդության դպրոցների ցանցը, ավելանում է սովորողների թիվը: Այժմ ավելի քան 10 հազար բանվոր-բանվորուհիներ հաջողությամբ իրենց արտադրական աշխատանքը համատեղում են սովորելու հետ: Միայն այս ուսումնական տարում, բաներիտ դպրոցնե-

— 21 —

րոտմ սովորողների թիվը ավելացավ 4.500-ով: Բացի Երևանում գործող 18 դպրոցներից, բաներիտ դպրոցներ են գործում նաև Լենինական, Կիրովական, Ալավերդի, Ղափան, Էջմիածին, Ն. Բալասզետ քաղաքներում, Շահումյան, Թումանյան, Արարատ, Լուսավան, Գյումուշգես և շատ այլ բանվորական ավաններում ու շրջանային կենտրոններում: Սովետական կառավարությանն ամեն տարի ավելացնում է ներտասարդությանն առանց արտադրությանից կտրելու հանրակրթական գիտելիքներ տալու նպատակին հատկացվող միջոցներ:

Բանվոր երիտասարդության դպրոցների սրահպանման վրա մինչև հիմա ծախսված է ավելի քան 27 միլիոն 205 հազար ռուբլի, իսկ ընթացիկ տնտեսական տարում այդ դպրոցների սրահպանման վրա կծախսվի մոտ 5 միլիոն 713 հազար ռուբլի:

Եթե 1944—45 տնտեսական տարում ռեսպուբլիկայում գործում էին երեկոյան 7 դպրոց, իսկ 1950-51 տ. տարում՝ 30, ապա ներկայումս միայն բաներիտ դպրոցների թիվը ռեսպուբլիկայում հասել է 50-ի: Այս տնտեսական տարվանից Երևանի, Լենինականի, Կիրովականի և Ալավերդու մի շարք բաներիտ դպրոցներ սկսեցին երկհերթ պա-

— 22 —

րապմտնքը, որով հերթափոխ բանվորները հնարավորություն ստացան անխափան կերպով դպրոց հաճախել՝ ինչպես ցերեկը, այնպես և երեկոյան:

Կառավարության որոշմամբ Լուսավորության մինիստրությանը արտադրական ձեռնարկությունների ղեկավարների հետ միասին ձեռնամուխ է եղել նաև բաներիտ դպրոցների համար նոր շենքեր կառուցելու գործին: Երևանի № 5 բաներիտ դպրոցն այս տնտեսական տարվա սկզբին ստացավ նորակառույց հոյակապ տուֆաշեն շենք: Առանձին շենքեր են հատկացված նաև Երևանի ժամացույցի գործարանին, Կիրովականի Քիմիական կոմբինատին և Ալավերդու պղնձահանքերին կից բաներիտ դպրոցներին:

Կոլտնտեսային երիտասարդությանն առանց գյուղատնտեսական աշխատանքից կտրելու յոթնամյա կրթություն տալու նպատակով 1944 թվականից մեր ռեսպուբլիկայում գործում են գյուղական երիտասարդության դպրոցներ:

Եթե 1944—45 տնտեսական տարում այդ դպրոցների վրա ծախսվել է 252 հազար ռուբլի, ապա ընթացիկ տնտեսական տա-

— 23 —

յում կծախսվի ավելի քան 2 միլիոն 530 հազար ռուբլի:

Ավելի քան 9.000 երիտասարդներ գյուղատնտեսական աշխատանքին զուգընթաց սովորել, ավարտել են գյուղական երիտասարդության դպրոցները: Նրանց մի մասը սովորում է միջնակարգ ու բարձրագույն դպրոցներում, իսկ մյուս մասը, զինված հանրակրթական գիտելիքներով, ժրաջան պայքար է տանում հայրենի հողերի բերքատվության բարձրացման համար: Միայն 1952—53 ուսումնական տարում մեր ռեսպուբլիկայում գործող գյուղերիս դպրոցներում սովորող երիտասարդ կոլտնտեսականներից և կոլտնտեսուհիներից 1.395 հոգի ստացան 7-ամյա լրիվ կրթություն:

Ընթացիկ ուսումնական տարում ռեսպուբլիկայի 100 գյուղերիս դպրոցներում սովորում են ավելի քան 6.500 երիտասարդ կոլտնտեսականներ:

Բանվորական և գյուղական երիտասարդության դպրոցները օգնում են սովետական երիտասարդությանը՝ բաղձակողմանիորեն դարգացնելու իրենց մտավոր ընդունակությունները, որպեսզի կարողանան ազատորեն ընտրել և կատարելագործել ցանկացած մասնագիտությունը, ավելի լավ և արդյունավետ ծառայել սիրասուն Հայրենիքին:

ԱՌԱՋԱՎՈՐՆԵՐԻ ՓՈՐՁԻՑ

ՏՐԱԿՏՈՐԱՅԻՆ ԱՇԽԱՏԱՆՔԻ ՎԱՐՊԵՏՆԵՐԸ

Մ. ՂԱԶԱՐՅԱՆ

Արտաշատի շրջանի Մխչյանի ՄՏ կայանի կոլեկտիվը կազմակերպված սկսեց զարնան-դաշտային աշխատանքները: Տրակտորային բրիգադաները ժամկետից շուտ ավարտեցին հացահատիկային ու տեխնիկական կուլտուրաների ցանքը և այժմ հաջողությամբ կատարում են բամբակի, այգիների ու բանջարաբուստանային կուլտուրաների մշակության աշխատանքները:

ՄՏ կայանում իր լավ աշխատանքով հատկապես աչքի ընկավ տրակտորային № 6 բրիգադան, որն անցյալ տարվա տրակտորային աշխատանքների պլանը կատարել է ավելի քան 130 տոկոսով, իսկ այս տարվա գարնան գյուղատնտեսական աշխատանքները կատարեց գերազանց:

Բրիգադայի առանձին տրակտորիստներ, փնչպես, օրինակ, Ստեփան և Հայկազ Կարապետյանները, Հ. Դավթյանը և շատերը

հերթափոխային արտադրական նորման կատարում են 150—160 տոկոսով և նույնիսկ կրկնակի: Դեռ չի եղել մի դեպք, որ բրիգադայի որևէ տրակտոր խափանումներով աշխատի կամ անորակ վար ու ցանք կատարի:

Ո՞րն է բրիգադայի հաջողության «գաղտնիքը», մեքենաների բարձր արտադրողականությունն ապահովելու համար աշխատանքի ինչպիսի մեթոդներ ու եղանակներ են կիրառում ՄՏ կայանի այդ առաջավոր մեխանիզատորները:

— Տրակտորային բրիգադայի հաջողությունը ամենից առաջ բացատրվում է նրանով, —ասում է ՄՏ կայանի գլխավոր ինժեներ Վ. Ալեքսանյանը, որ բրիգադան գարնան դաշտային աշխատանքներն սկսեց լրիվ նախապատրաստած: Չմոան ամիսներին բարձր որակով նորոգված էին բրիգադայի տրակտորները: Գարնանացանի հենց առաջին օրվանից դաշտ դուրս բերվեցին բոլոր մեքենաները, որոնք վարն ու ցանքը սկսելուց մինչև այժմ աշխատում են անխափան, բարձր արտադրողականությամբ: Այսպիսով, տրակտորների աշնան ձմեռային բարձրորակ նորոգումը բրիգադայի հաջող աշխատանքի գլխավոր նախապայմաններից մեկն է: Գյուղատնտեսական մեքենաների

— 26 —

հետագա անխափան և բարձր արտադրողական աշխատանքն ապահովելու գործում վճռական նշանակություն ունի նրանց տեխնիկական խնամքի ճիշտ կազմակերպումը:

Այստեղ առավելագույն ուշադրություն է դարձվում այդ գործի վրա: Տրակտորիստներն իրենց մեքենաների մասին հոգ են տանում ամեն օր, ամեն ժամ: Տեխնիկական խնամքը կատարվում է մեխանիկի և բրիգադիրի հսկողության տակ, սահմանված կանոններին խստորեն համապատասխան, ըստ սահմանված գրաֆիկի: Այսպես, օրինակ, ԴՏ—54 տրակտորի առաջին տեխնիկական խնամքը բրիգադայում կատարվում է 35—40 հեկտար վարելուց հետո (փափուկ վարի վերածած): Այդ ժամանակ տրակտորիստը փոխում է յուղը, մաքրում քամիչները, ստուգում է պտուտակների ձգվածությունը, անհրաժեշտության դեպքում նաև թրթուրների ձգվածությունը և այլն: Երկրորդ տեխնիկական խնամքը կատարվում է արդեն 70—80 հեկտար վար կատարելուց հետո: Այս անգամ արդեն մաքրվում է շարժիչների յուղման ամբողջ սխեման, կարգավորվում է դիզելային վառելանյութի շրջանառությունը (ցիրկուլացիա): Երրորդ և չորրորդ տեխնիկական խնամքը կատարվում է

— 27 —

գլխավոր ինժեների և հակիշ մեխանիկի հրահողութեան տակ, նրանց ցուցումներով:

Պարապուրդները կանխելու, մեքենաների արտադրական կարողութիւնը լրիւ օգտագործելու համար կարեւոր նշանակութիւն ունի նաեւ հերթափոխի ճիշտ կազմակերպումը: Տրակտորիստը մեքենան իր ընկերոջը պիտք է հանձնի միանգամայն սարքին վիճակում, անկանոնութիւնները վերացնելուց հետո: Իսկ մեքենան այդպիսի վիճակում հանձնելու համար, նա իր հերթափոխի ընթացքում կատարում է տեխնիկական խնամք, ուշի-ուշով հետևում նրա աշխատանքին:

Կարեւորն այն է, որ մեքենայի անկանոն աշխատանքը նկատվի ժամանակին և միջոցներ ձեռք առնվեն թերութիւնը վերացնելու համար:—Տրակտորիստ Ս. Կարապետյանը,—ասում է բրիգադիրը,—ուշի-ուշով հետևում է տրակտորի կատարած յուրաքանչյուր աշխատանքին: Նա այնքան է վարժվել այդ գործին, որ նույնիսկ գիտե, թե տրակտորի որ մասը փշաւնալիս մեքենայի ձայնը ինչպես է փոխվում: Եվ այդպիսի անկանոնութիւն նկատվելուն պես մեքենան կանգնեցվում է, թերութիւնը վերացվում: Հերթափոխութեան ընթացքում լրջորեն հոգ է տարվում մեքենայի խնամքի մասին և տրակտորը հեր-

— 28 —

թափոխող տրակտորիստին է հանձնվում: միանգամայն սարքին վիճակում: Այդ սկզբունքի հետևողական կիրառումը բարձրացնում է տրակտորիստի պատասխանատվութիւնը իր մեքենայի վիճակի նկատմամբ, ապահովում պետական առաջադրանքների, արտադրական նորմաների հաջող կատարումը:

Շատ տրակտորիստներ հաճախ բավականին ժամանակ են կորցնում մեքենայի մեջ վառելիւնյութ լցնելու համար: Հաճախ տրակտորը դուրս է բերվում ակոսից և երկար ճանապարհորդութիւն է կատարում, մինչև որ ստանում է վառելիւնյութ և ապա վերադառնում:

Նշված տրակտորային բրիգադայում մեքենայի մեջ վառելիւնյութ լցնելու գործն այդպես չի կազմակերպված: Այստեղ նվազագույնի է հասցված այն ժամանակը, որը հատկացվում է այդ նպատակի համար: Տրակտորների մեջ վառելիւնյութ են լցնում հենց ակոսում: Վառելիւնյութ մատակարարելու նման պրակտիկայի համար ստեղծված են անհրաժեշտ պայմաններ:

Տրակտորային բրիգադայի հաջողութիւնը շատ բանով կախված է նաև բրիգադիրի, նրա օգնականի լավ աշխատանքից:

— 29 —

— Ես և իմ օգնականը, — ասում է բրիգադիր Ա. Հարությունյանը, — հատուկ ուշադրություն ենք դարձնում հերթափոխի կազմակերպման վրա, միջոցներ ենք ձեռք առնում, որ պարապուրդներ չլինեն, որ մեքենան մեկ տրակտորիստից մյուսին հանձնվի հենց աշխատելիս, որպեսզի տրակտորային աշխատանքի ոչ մի պարապուրդ չլինի: ՄՏ կայանի ագրոնոմից տվյալ դաշտում վար ու ցանքի առաջադրանք ստանալով, — շարունակում է բրիգադիրը, — ես և իմ օգնականը անմիջապես ձեռնամուխ ենք լինում դաշտում աշխատանքի կազմակերպմանը, ագրոնոմի հետ հատուկ ուշադրություն դարձնելով կատարվող աշխատանքի որակի վրա: Հող ենք տանում բոլոր տրակտորները ժամանակին վառելաճուրճով և պահեստամասերով ապահովելու մասին, խափանումների մասին ժամանակին իրազեկ ենք դարձնում ՄՏ կայանի դիսպետչերին; ձեռք բերում պահանջվող մասը; ապահովում աշխատանքի արագ վերսկսումը:

Բրիգադիրը, նրա օգնականը և տրակտորիստները հատուկ ուշադրություն են դարձնում վարի որակի վրա: Բոլոր տրակտորիստներն էլ իրենց մոտ ունեն վարի խորությունը չափելու հարմարանք և աշխատանքի

— 30 —

ընթացքում հետևում են, որպեսզի վարը կատարվի անպայման պահանջված խորությամբ:

Միանգամայն հասկանալի է, որ տրակտորային և ոչ մի բրիգադա չի կարող սխտեմատիկարար բարձր արտադրողականություն աշխատել, եթե նրան ամենօրյա օգնություն ցույց չտան ՄՏ կայանի մասնագետները:

Տեխնիկական օգնություն ցույց տալու համար նախ և առաջ հարկավոր է իմանալ, թե տվյալ ժամին ո՞ր տրակտորը կոլտնտեսության ո՞ր դաշտում է գտնվում և ինչ օգնության կարիք է զգում: Դիսպետչերական հստակ աշխատանքի դեպքում միայն կարելի է դա իմանալ: Եվ միջյանցիներն օրինակ կարող են ծառայել: Դիսպետչեր Ի. Հակոբջանյանն իր տրամադրության տակ ունի ՄՏ կայանի կողմից սպասարկվող կոլտնտեսությունների հողային տարածությունների քարտեզը, ըստ դաշտերի: Այդ քարտեզի վրա դրված փոքրիկ կարմիր դրոշները ցույց են տալիս, թե որ տրակտորը տվյալ պահին որ դաշտում է գտնվում: Ուշ երեկոյան նա կապվում է տրակտորային բրիգադաների հետ և պարզում է, թե ով, ինչ օգնության կարիք է զգում: Առավոտյան արդեն հերթա-

— 31 —

պահ մեխանիկի միջոցով, որի տրամադրութեան տակ դրված է շրջիկ ավտոմեքենան, այդ օգնութիւնը ցույց է տրվում:

ՄՏ կայանում կազմակերպված է տրակտորների կարևորագույն մասերի փոխանակային ֆոնդ: Որևէ մաս շարքից դուրս գալու դեպքում հանձնվում է ՄՏ կայանին և փոխարենը ստացվում է արդեն նորոգվածը, որով և կանխվում է պարապուրդը: Մեքենատրակտորային կայանում հատուկ ուշադրութիւն է դարձվում դիսպետչերական ծառայութեան ճկունութիւնն ապահովելու վրա:

Այսպես են կազմակերպել իրենց աշխատանքը Մխչյանի ՄՏ կայանի առաջավոր մեխանիզատորները, որոնք սոցիալիստական լայն մրցութիւն են ծավալել 1954 թվականի պետական առաջադրանքները սահմանված ժամկետներին և ճշտորեն կատարելու, բարձր բերք նվաճելու համար:

ՕԿՏԱԳՈՐԾԻՐ ԶՐՈՒՅՑԻ ԺԱՄԱՆԱԿ

ԱՇԽԱՏԱՎՈՐՆԵՐԻ ԴՐՈՒԹՅՈՒՆԸ ԵՎ ՊԱՅԲՍՐԸ ԿԱՊԻՏԱԼԻ ԵՐԿՐՆԵՐՈՒՄ

(Թվեր և փաստեր)

Կապիտալիստական երկրների կառավարութեանն և իր կողմից կիրառվող միլիտարացման քաղաքականութիւնը, ծանր բեռի նման ընկած է աշխատավորութեան ուսերին: Նա ուղեկցվում է հարկերի շտեմնված աճով, գների անընդհատ բարձրացմամբ: Վերջին ժամանակներս, ընդամենը սոյառազինութեան մրցավազքին, կապիտալիստական երկրներում կրճատվում է արտադրութիւնը, արագ աճում է գործազուրկների բանակը: Այս ամենը ուժեղացնում է աշխատավորների պայքարը՝ հանուն իրենց կենսամակարդակի բարձրացման, հանուն դեմոկրատիայի և խաղաղութեան:

Ստորև բերվում են կապիտալիստական երկրներում աշխատավորների դրութիւնը և նրանց պայքարը չնորոշող մի քանի տվյալներ:

ԳՆԵՐՆ ԱՆԸՆԴՀԱՆ ԲԱՐՁՐԱՆՈՒՄ ԵՆ

★ 1952 թվականին Ամերիկայի Միացյալ Նահանգներում խորունակ գիւնը համարյա երեք անգամ ավել-

լի բարձր էր, քան սպառնալից ճակատագիրը: Միա-
փամանակ արագ աճում է աշխատավորության վրա
դրվող հարկային բեռը: Անհատական եկամուտներից
գանձվող հարկերի ընդհանուր գումարը 1940—1941
բյուջետային տարվա 1,8 միլիարդ գոլարից 1953—54
բյուջետային տարում հասավ մոտավորապես 34,3
միլիարդ գոլարի:

Դեների և հարկերի անընդհատ բարձրացման հե-
տևանքով Ամերիկայում ընտանիքների համարյա $\frac{2}{3}$ -ի
եկամուտը ցածր է անգամ պաշտոնական «ապրուստի
միջին մոմից»:

★ Անպիտան աճող սեփականության գների մակար-
դակը, 1947 թվականի համեմատությամբ, աճել է
70 տոկոսով: Արագ բարձրանում են նաև տնային
գործածության առարկաների գները: Այժմ կահույքը
200—300 տոկոսով թանկ է, քան միջպատերազ-
մը, իսկ որակն էլ ցածր է: 1939 թվականի համեմա-
տությամբ վուշի և բամբակի գործվածքեղենի գները
բարձրացել են 575 տոկոսով, վերմակներ՝ 855 տո-
կոսով և այլն:

★ Բելգիայում, ըստ մամուլի հաղորդագրության,
փետրվարին մանրածախ գների ինդեքսը 11 տոկոսով
բարձր էր, քան մեկ տարի առաջ: Այսպես, կարտոֆիլի
գինը բարձրացավ 15 տոկոսով: Խիստ բարձրացան
սուրճի, բուսական յուղի, մարգարինի, խոզի ճարպի,
հալած ճարպի, մսի և մի շարք այլ անհամթերքների
գները: Միայն ընթացիկ տարվա երկու ամսում սուր-

— 34 —

ճը, որը հանդիսանում է լայն սպառման ապրանք,
թանկացավ 12 տոկոսով, մարգարինը՝ 5 տոկոսով,
յուղը՝ 4 տոկոսով և այլն:

★ Հոլանդիայում, անգամ պաշտոնական տվյալ-
ներով, ապրուստի գինը անցած տարվա համեմա-
տությամբ բարձրացավ ավելի քան 4 տոկոսով, չհաշ-
ված հարկերի գանձման ասպարեզում կատարված
փոփոխությունները: Հատկապես բարձրացան կարտո-
ֆիլի, բանջարեղենի և մրգերի գները, որոնք միայն
երկու ամսվա ընթացքում թանկացան համարյա 20
տոկոսով:

★ Նորվեգիայում անցած տարվա ընթացքում
անհամթերքների գները նույնպես խիստ բարձրացան:
մսինը և մսամթերքինը՝ միջինը 20 տոկոսով, մակա-
րոնեղենինը՝ 18 տոկոսով, հրուշակեղենինը՝ 6 տոկո-
սով, սուրճինը՝ 6,5 տոկոսով, մրգերինը՝ 19 տոկո-
սով և այլն:

★ Մայրահեղ աբագ է աճում ապրուստի արժեքը
գաղութային և կախյալ երկրներում: Օրինակ, Բրազի-
լիայում անցած տարվա ընթացքում, ապրուստը թան-
կացավ 22 տոկոսով:

ՄԵՄԵԱՆՈՒՄ Է ԳՈՐԾԱԶՈՒՐԿՆԵՐԻ ԲԱՆԱԿԸ

★ ԱՄՆ-ում, նույնիսկ արտադրողների պրոֆմիու-
թյան կոնգրեսի ղեկավարներն ավայանե-
րով, կան 5 միլիոն լրիվ և 11 միլիոն մասնակի գոր-
ծադուրկներ: Աշխատանքի միևնույն ժամանակահատվածում

— 35 —

գրման բյուրոյի տվյալներով երեք ամսվա ընթացքում, 1953 թվականի դեկտեմբերից մինչև 1954 թվականի փետրվարը, գործազուրկների թիվը ավելացել է ավելի քան 2 միլիոն մարդով: Միայն փետրվարին գործազուրկների թիվն ավելացավ 584 հազարով:

❖ Ինգլիսյան, աշխատանքի միևնույն ժամանակ տվյալներով, վերջին 12 ամսում միայն ցուցակագրված գործազուրկների թիվը հասել է ամենաբարձր մակարդակի: Ընթացիկ տարվա փետրվարի վերջին, ընդամենը գործազուրկների թիվը հասնում էր 430 հազարի:

❖ Կանադայում յուրաքանչյուր հարյուր բանվորից տասը բոլորովին գործ չունեն:

❖ Դանիայում աշխատանք չունի յուրաքանչյուր հինգերորդ բանվորը:

❖ Ապրուստի գների աճը և գործազրկության աճը բանվորներին հասցրել են ծայր աղքատության: Հունաստանում աղքատներին տրվում է անգամ հատուկ «աղքատության վկայական»: Այսպիսի «վկայական» ունեցողների թիվը հասնում է երկու ու կես միլիոնի, իսկ առանձին շրջաններում նրանք կազմում են ամբողջ բնակչության 65—85 տոկոսը: Հունական «էկոնոմիկա» թերթը գրում է, որ այժմ Հունաստանում մոտ երկու միլիոն մարդ օրական վաստակում է այնքան եկամուտ, որով կարելի է գնել միայն երկու բաժակ սև սուրճ, իսկ երկուս ու կես միլիոն մարդկանց եկամուտը հազիվ բավականացնի մեկ տուփ սի-

— 36 —

գարեալ գնելու համար: Հունական մամուլի խոստովանությամբ, աշխատավորության ծայրահեղ աղքատության պատճառը թաքնված է շտեմեված բարձր ռազմական ծախսերի մեջ, որոնք կլանում են Հունաստանի պետական բյուջեի կեսից ավելին: «Մինչև այժմ դեռ երբեք, — գրում է հունական «Պրոխիս» թերթը, — մեզ մոտ սովահարության ուրվականն այնքան սարսափելի չի եղել, ինչպես այժմ»:

❖ Բայց հատկապես ծանր պայմաններում են ապրում աշխատավորները գոշութային և կախյալ երկրներում: Կուբա կղզում, որտեղ բնակչությունը կազմում է ընդամենը վեց միլիոն մարդ, կան մոտ մեկ միլիոն գործազուրկներ: Բացի դրանից, շատերը աշխատում են տարվա մի որոշ ժամանակ, իսկ մնացած ժամանակ թափառում են՝ երկրում սնունդ փնտրելով: Օրինակ, շաբաթի պլանտացիաների 700 հազար բանվոր տարվա մեջ աշխատում են միայն 3—4 ամիս:

❖ Վերջերս ամերիկյան «Նեյշնլ» ժուռնալում անդրադարձան հայտնի գիտնական Պ.Մ.Ս. Բլեկետտը խոստովանեց, որ գաղութային աշխարհի «աղքատ երկրները», որոնց ժողովուրդները «կիսաքաղց գոյության մակարդակի վրա են կանգնած», մշտապես ապրում են «աղքատության, թերահաման, հիվանդությունների և անգրագիտության» մեջ:

Աֆրիկայի, Միջին Արևելքի, Ասիայի 900 միլիոն գաղութային բնակչության յուրաքանչյուր շնչի հասնող միջին եկամուտը տարեկան 30 դոլարից էլ քիչ

— 37 —

է, այն դեպքում, երբ եվրոպացին տարեկան միջին հաշվով ստանում է հազար դոլար:

ԱՃՈՒՄ Է ԳՈՐԾԱԴՈՒԼԱՅԻՆ ՊԱՅՔԱՐԸ

Բնական է, որ կապիտալիստական և գաղութային երկրների աշխատավորական լայն մասսաները չեն ցանկանում հաշտվել այդպիսի դրության հետ: Միլիոնավոր աշխատավորներ ակտիվորեն սկսում են պայքարել իրենց տնտեսական և քաղաքական դրությունը բարելավելու համար: Եթե մինչպատերազմյան հինգ տարիների ընթացքում կապիտալիստական տասնվեց երկրներում տեղի է ունեցել մոտ 50 հազար գործադուլ, որոնց մասնակցել է 15.429 հազար մարդ, ապա հետպատերազմյան առաջին հնգամյակում, այդ նույն երկրներում տեղի է ունեցել 57.963 գործադուլ, իսկ նրանց մասնակիցների թիվը նախապատերազմյան հնգամյակի համեմատությամբ եռապատկվել է, կազմելով 49.432 հազար մարդ: Միայն 1952 թվականին կապիտալիստական հինգ մեծ երկրներում (Ամերիկայի Միացյալ Նահանգներում, Ֆրանսիայում, Իտալիայում, Արևմտյան Գերմանիայում և Յապոնիայում) գործադուլ են արել ավելի քան 30 միլիոն բանվոր և ծառայող:

★ Ամերիկայի Միացյալ Նահանգներում, ոչ լրիվ տվյալներով, միայն անցյալ տարվա ընթացքում եղել է 5.100-ից ավելի գործադուլ, որոնց մասնակցել է ավելի քան 3,5 միլիոն մարդ:

— 38 —

★ Անգլիայում 1953 թվականին գործադուլ են արել երկու միլիոնից ավելի մարդ:

★ Ֆրանսիայում 1952 թվականին գործադուլ են արել 5 միլիոն բանվորներ և ծառայողներ: Իսկ անցյալ տարի միայն օգոստոսյան գործադուլին մասնակցել են երկրի 4 միլիոն բանվորներ և ծառայողներ:

★ Բուռն կերպով աճում է գործադուլային շարժումը Իտալիայում: Ոչ լրիվ տվյալներով, 1953 թվականին գործադուլներին մասնակցել են 20 միլիոն բանվորներ ու ծառայողներ:

★ Յապոնիայում հետպատերազմյան տարիներին գործադուլային պայքարը հասել է հսկայական չափերի: Միայն անցյալ տարվա առաջին կեսին Յապոնիայի աշխատավորների գործադուլներին, ցույցերին և մարտական այլ ելույթներին մասնակցել են 9 միլիոնից ավել բանվորներ և ծառայողներ:

★ Ավելի ու ավելի լայն թափ է ստանում գործադուլային պայքարը Արևմտյան Գերմանիայում, Հոլանդիայում, Հունաստանում, Ավստրիայում, Բելգիայում, Կանադայում, Ավստրալիայում, Մերձավոր, Միջին և Հեռավոր Արևելքի գաղութային ու կախյալ երկրներում, Աֆրիկայի և Լատինական Ամերիկայի զանազան երկրներում:

Կապիտալիստական և գաղութային երկրների աշխատավորության աճող պայքարը հացի, աշխատանքի, խաղաղության, դեմոկրատիայի և ազգային անկախության համար հանդիսանում է ժամանակակից միջազգային իրադրության կարևորագույն գործոններից մեկը:

ԹԵՄԱՆԵՐ ԵՎ ԳՐԱԿԱՆՈՒԹՅՈՒՆ ԱԳԻՏԱՏՈՐՆԵՐԻ ԶՐՈՒՅՑՆԵՐԻ ՀԱՄԱՐ

ԼԱՅՆՈՐԵՆ ԾԱՎԱԼԵՆՔ ՄՐՑՈՒԹՅՈՒՆԸ ՀԱՄԱՄԻՈՒ-
ԹՆԱԿԱՆ ԳՅՈՒՂԱՏՆՏԵՍԱԿԱՆ ՑՈՒՑԱՀԱՆԳԵՍԻՆ
ՄԱՍՆԱԿՑԵԼՈՒ ԻՐԱՎՈՒՆՔԻ ՀԱՄԱՐ

1. Համամիութենական գյուղատնտեսական, ցուցա-
հանդեսի բացումը նշանավոր իրադարձություն է մեր
երկրում:

2. Ցուցահանդեսը միայլուն կերպով հաստատում է
կոլտնտեսային կարգերի մեծագույն ուժն ու հզորու-
թյունը:

3. Սոցիալիստական գյուղատնտեսությունը աշխար-
հում ամենախոշոր, ամենամեքենայացված գյուղա-
տնտեսությունն է:

4. Ցուցահանդեսը ցուցադրում է բանվոր դասա-
կարգի և կոլտնտեսային գյուղացիության դաշինքի
անխորտակելի ուժն ու ամրությունը:

5. Կոմունիստական պարտիան և Սովետական կա-
ռավարությունն անդադրում հոգ են տանում սոցիա-
լիստական գյուղատնտեսության հետագա զարգացման
համար:

— 40 —

6. Ի՞նչ է արվում մեր կոլտնտեսությունում ցուցա-
հանդեսին մասնակցելու իրավունք նվաճելու համար:

7. Կոլտնտեսային արտադրության մեջ լայնորեն
արժատավորենք գյուղատնտեսության առաջավորների
փորձը:

ԳՐԱԿԱՆՈՒԹՅՈՒՆ

ՍՍՌՄ Միենիսարների Սովետի և ՍՄԿՊ Կենտրոնա-
կան Կոմիտեի որոշումը՝ Համամիութենական գյուղա-
տնտեսական ցուցահանդեսի մասին, տպագրված
«Ս. Հ.»-ի 1954 թվականի № 82-ում:

Սոցիալիստական գյուղատնտեսական արտադրու-
թյան նվաճումների ցուցահանդեսը, ՏԱՍՍ-ի ինֆոր-
մացիոն հոգվածը՝ տպագրված «Ս. Հ.»-ի № 85-ում:

Համամիութենական գյուղատնտեսական ցուցահան-
դեսի Գլխավոր Կոմիտեի որոշումից (ցուցահանդեսի
մասնակիցների ընտրելու ցուցանիշների և սլայման-
ների մասին), տպագրված «Ս. Հ.»-ի 1954 թվականի
№ 88-ում:

Վ. Մացկևիչ— Լայնորեն ծավալել մրցությունը Հա-
մամիութենական գյուղատնտեսական ցուցահանդեսին
մասնակցելու իրավունք նվաճելու համար, «Ագիտա-
տորի բլոկնոտ» № 10:

ՊԱՅՔԱՐ ԳՅՈՒՂԱՏՆՏԵՍԱԿԱՆ ԿՈՒՆՏՐԱԿՆԵՐԻ ՄՇԱԿՈՒԹՅՈՒՆԸ ԲԱՐՆԱԳԵԼՈՒ ՀԱՄԱՐ

1. Լինվին կիրառել ագրոտեխնիկական կոմպլեքսը
հացահատիկային, բանջարանոցային կուլտուրաների:

— 41 —

բամբակի և այգիների մշակութային ընթացքում:

2. Գյուղատնտեսական կուլտուրաների մշակությունը կատարել ճիշտ ժամկետներին և բարձր որակով:

3. Ցանքերի, պլանտացիաների ու այգիների մշակությունը բարելավելու համար կուլտնտեսային արտադրության մեջ լայնորեն արմատավորել առաջավոր փորձը:

4. Մշակության ընթացքում լրիվ և արդյունավետ օգտագործել գյուղատնտեսական մեքենաների կարողությունը:

5. Գյուղատնտեսական կուլտուրաների մշակությունը մեքենայացնելու ասպարեզում ձեռք բերված մեր նվաճումները:

6. Սիստեմատիկորեն պայքարենք գյուղատնտեսության վնասատուների դեմ:

7. Գյուղատնտեսական կուլտուրաների մշակությունը բարելավելու համար լայնորեն օգտագործենք քիմիական նոր միջոցները:

8. Ի՞նչ է անում մեր կուլտնտեսությունը և բրիզան գյուղատնտեսական կուլտուրաների մշակությունը բարելավելու համար:

ԳՐԱԿԱՆՈՒԹՅՈՒՆ

Գ. Մ. Մալեկով — Հաշվետու զեկուցում պարտիայի 19-րդ համագումարին ՀամԿ(բ)Պ Կենտրոնական Կոմիտեի աշխատանքի մասին, էջ 56—73, Հայսյետհրատ, 1952:

— 42 —

Ն. Ս. Խրուշչև — ՍՍՌՄ Գյուղատնտեսության հետազա զարգացման միջոցառումների մասին, զեկուցում ՍՄԿՊ Կենտկոմի պլենումում 1953 թ. սեպտեմբերի 3-ին, Հայսյետհրատ, 1953:

ՍՍՌՄ Գյուղատնտեսության հետազա զարգացման միջոցառումների մասին, ՍՄԿՊ Կենտկոմի պլենումի որոշումը, ընդունված 1953 թվականի սեպտեմբերի 7-ին, ընկ. Ն. Ս. Խրուշչևի զեկուցման առթիվ, Հայսյետհրատ, 1953:

Երկրում հացահատիկի արտադրության հետազա ավելացման և խոպան ու խամ հողերի յուրացման մասին ՍՄԿՊ Կենտկոմի պլենումի որոշումը՝ ընդունված 1954 թ. մարտի 2-ին, ընկեր Ն. Ս. Խրուշչևի զեկուցման առթիվ, տպագրված «Ս. Հ.»-ի 1954 թ. մարտի 6-ի համարում:

Համամիութենական գյուղատնտեսական ցուցահանդեսի Գլխավոր Կոմիտեի որոշումից (ցուցահանդեսի մասնակիցներ ընտրելու ցուցանիշների և պայմանների մասին), տպագրված «Ս. Հ.»-ի 1954 թ. № 88-ում:

Վճռական՝ Թափ հաղորդել գարնանացանին, «Ս. Հ.»-ի առաջնորդող հոդվածը՝ տպագրված № 106-ում:

ՍԵՂՄ ԺԱՄԿԵՏՈՒՄ ԱՎԱՐՏՆԵՔ ԽՈՏՆՈՒՆԶԸ

1. Առատ կերը անասունների մթերատվության շեշտակի բարձրացման կարևորագույն միջոցն է:

2. Կերի պրոբլեմը լուծելու համար վճռական նշանակություն ունի կերահայթայթման մեքենայացումը:

3. Ինչպես է մասնակցում մեր ՄՏ կայանը խոս-
հնձին:

4. Ի՞նչ է արել մեր ՄՏ կայանը խոտհունձը, խոտի
դիզումը, կերի սիլոսացումը մեքենայացնելու ուղղու-
թյամբ:

5. Ժամանակին հնձել և դիզել խոտը, հիշելով, որ
այդ աշխատանքների ձգձգումը մեծ չափով իջեցնում
է խոտի որակը:

6. Ինչպե՞ս է նախապատրաստվել մեր կոլտնտեսու-
թյունը խոտհունձը բարձր կազմակերպվածությամբ
անցկացնելու համար:

7. Պատվով կատարենք խոտը ժամանակին և անկո-
րուստ հավաքելու վերաբերյալ ստանձնած պարտավո-
րությունները:

ԳՐԱԿԱՆՈՒԹՅՈՒՆ

Ն. Ս. Խոուշե— ՍՍՌՄ Գյուղատնտեսության հետա-
գա զարգացման միջոցառումների մասին, ղեկուցում
ՍՄԿՊ Կենտկոմի պլենումում 1953 թ. սեպտեմբերի
3-ին, Հայպետհրատ, 1953:

ՍՍՌՄ Մինիստրների Սովետի և ՍՄԿՊ Կենտրոնա-
կան Կոմիտեի որոշումը «Երկրում անասնաբուծության
հետագա զարգացման միջոցառումների և կոլտնտեսա-
կանների, բանվորների ու ծառայողների տնտեսու-
թյունների կողմից պետությանը անասնաբուծական
մթերքների պարտադիր հանձնումների նորմաների ի-
ջեցման մասին», Հայպետհրատ, 1953, էջ 3—61:

ՏԵՂԵԿԱՏՈՒ ԲԱԺԻՆ

ԲՈՆՆԻ ՊԱՅՄԱՆԱԳԻՐԸ

Ամերիկյան ռեակցիոն կառավարության
թելադրանքով 1952 թվականի մայիսի 26-ին
ԱՄՆ-ի, Անգլիայի, Ֆրանսիայի և արևմտա-
գերմանական «Ֆեդերալ կառավարության»
միջև ստորագրվեց Բոննի սեպարատ, միլի-
տարիստական անհավասար պայմանագիրը:
Այդ պայմանագիրը շուտափույթ քառաֆիկա-
ցիայի ենթարկվեց (վավերացվեց) ԱՄՆ-ի և
Անգլիայի կողմից:

Բոննի պայմանագրով ԱՄՆ-ի և Անգլիայի
կառավարությունները կոպիտ կերպով խախ-
տում են Պոտսդամի համաձայնագրով ըս-
տանձնած իրենց պարտավորությունները և
միջազգային կանոնները: Պոտսդամի պայ-
մանագրի համաձայն ՍՍՌՄ-ի, ԱՄՆ-ի, Անգ-
լիայի և Ֆրանսիայի կառավարությունները
պարտավորվել են պահպանել Գերմանիայի
միասնությունը, դեմոկրատական հիմունքնե-
րով խտնողձել գերմանական կառավարու-
թյուն, կնքել հաշտության պայմանագիր և
Գերմանիայի տերիտորիայից դուրս քերել

օկոսպացիոն զորքերը: ԱՄՆ-ի, Անգլիայի, Ֆրանսիայի կառավարութիւնները անտեսելով Պոտոմարմի համաձայնագրի այդ և նման մի շարք հարցեր, իրենց օկոսպացիոն զորքներում վերականգնողականացնում են գերմանական ռազմական պոտենցիալը և իրենց հովանավորութեան տւ հակողութեան տակ վերցնում գերմանական մոնոպոլիստներին ու միլիտարիզմը:

ԱՄՆ-ը, Անգլիան և Ֆրանսիան չեն ընդունում ՍՍՌՄ առաջարկութիւնները միասնական գերմանական տեմոկրատական կառավարութիւն ստեղծելու մասին, այլ վարում են Գերմանիայի մասնատման քաղաքականութիւն:

Բոննի պայմանագրով, Ամերիկյան իմպերիալիստները նպատակ են դրել ստեղծել գերմանական ռեանշիստական բանակ՝ հիտլերյան նախկին դեներալների հրամանատարութեամբ, մյուս կողմից՝ ճնշել գերմանական ժողովրդի շարժումը, որը ձգտում է միավորվել և պայքարում է ռազմական մըրցավազքի դեմ:

Բոննի պայմանագիրը Արևմտյան Գերմանիային պարտավորեցնում է մասնակցել այսպես կոչված Նվրոպական բանակի ըստեղծմանը, որը նշանակում է վերականգնել

— 46 —

գերմանական միլիտարիզմը, ռեանշիստական բանակը, միաժամանակ դա նշանակում է Արևմտյան Գերմանիայի ժողովրդի վրա, բացի օկոսպացիոն ծախսերից, դնել նոր լրացուցիչ ծախսեր՝ բանակի պահպանման համար: Բոննի պայմանագիրը Գերմանիային պարտավորեցնում է մտնել «Ատլանտյան միավորման», այն է՝ Հյուսիս-Ատլանտյան պակտի սիստեմի մեջ և գերմանական բանակը իր հրամանատարութեամբ ենթարկել «Ատլանտյան միավորման» օրդաններին: Արևմտյան երեք տերութիւններին իրավունք է տրվում Ատլանտյան բլոկի ուղած պետութեան զորքերը ցանկացած ժամանակ մտցնել Գերմանիայի տերիտորիան: ԱՄՆ-ի, Անգլիայի և Ֆրանսիայի կողմից Գերմանիայում ստեղծված է «օկոսպացիոն խորհուրդ», որի բոլոր կարգադրութիւնները անորոշ ժամանակով պարտադիր են Արևմտյան Գերմանական կառավարութեան համար: «Բոննի կառավարութիւնը»՝ Ադենատները ընդունել է միջազգային հարցերին վերաբերող այն բոլոր պայմանագրերը, որոնք վերջի են արևմտյան երեք տերութիւնները Գերմանիայի անունից:

Բոննի պայմանագիրը օկոսպացիոն իշխանութիւններին հատուկ իրավունքներ է տվել



միջամտելու Գերմանիայի ներքին գործերին, «արտակարգ դրություն» մտցնելու, որի ընթացքում բոլոր իրավունքները անցնում են օկուպացիոն իշխանությունների ձեռքը: Փաստորեն այդ բոլորի նպատակն է Արևմտյան Գերմանիան 50 տարի պահել կիսաօկուպացված վիճակում, վերականգնել նրա զինված ուժերը և այն դարձնել հարվածային բրիգադա՝ իրենց Հյուսիս-Ատլանտյան ազդեցիկ նպատակների համար, վտանգ սպառնալով Եվրոպայի խաղաղության գործին: Հակառակ այդ բոլորին, ՄԱԽՄ-ը, հավատարիմ մնալով Պոտսդամի պայմանագրի ոգուն, ամենայն ճշտությամբ կատարում է իր պարտականությունները և վճռականորեն պահանջում արդարացի և արագ կերպով լուծել Գերմանիայի հարցը, ստեղծել ազատ, միասնական, դեմոկրատական Գերմանիա:

ՓԱՐԻՋԻ ՊԱՅՄԱՆԱԳԻՐԸ

1952 թվականի մայիսի 27-ին, Փարիզում, ԱՄՆ-ի, Ֆրանսիայի, Իտալիայի, Բելգիայի, Նիդերլանդների և Լյուքսեմբուրգի միջև կրնքվեց այսպես կոչված «Եվրոպական պաշտպանական միավորում» ստեղծելու մասին պայմանագիրը: Միլիտարիստական այդ պայմանագրի նպատակն է՝ ստեղծել եվրո-

— 48 —

պական մի շարք կապիտալիստական պետությունների ռազմական դաշինք, այն է՝ «Եվրոպական բանակ» ազդեցիկ նպատակների համար: Փարիզի պայմանագիրը ծառայում է ռազմական մրցավազքն ուժեղացնելու, Արևմտյան Գերմանիայի ռեանշիտական բանակը վերածնելու գործին: Փարիզի պայմանագրի մեջ մտնող երկրներին, թերագրել են ամերիկյան իմպերիալիստները, որոնք տնեն իրենց հատուկ պլանները՝ օգտագործել ուրիշ երկրների տերիտորիաները և ուրիշ պետությունների զինված ուժերը ազատասեր ժողովուրդներին ստրկացնելու, ամերիկյան մոնոպոլիստների համաշխարհային տիրապետություն հաստատելու համար: Փարիզյան պայմանագրով ստեղծված «Եվրոպական բանակը» պետք է Կելթարկվի Հյուսիս-Ատլանտյան «դաշինքի» օրգաններին, որոնց ղեկավարելու են ամերիկյան զենքերակները: Փարիզյան պայմանագրով արեմելտա-գերմանական Բոննի «պետությունը» մտցվում է Հյուսիս-ատլանտյան բլոկի սիստեմի մեջ և նրան թույլատրվում է ռազմականացնել երկրի էկոնոմիկան, ստեղծել ազդեցիկ զինված ուժեր և այլն: Փարիզի պայմանագիրը միաժամանակ նախատեսում է հիտլերյան զենքերակներին օգտագործել Ատ-

— 49 —

ՀԱՅԿ ՕՏԻՎԻԿԻ, Բ., 1954 Ք. 8, Կ. ԿԵՆՏՐԱԼԻՆԵՆԿԱՆ
ՆԱԽԱՐԱՐՈՒՄԻ ՇՆՈՐՀԱՆՈՒՄԻ ՎԵՐԱԿԱՆՈՒՄԻ

8300 pmufS

027 մղիւտուք

36701 67

Стран Пропаганды и агитации
ЦК КП Армении
Бюкноот АГИТАТОРА
№ 11
1954 г.

ՀՊԵՈՍՂՏԳԵՆ ԵՆ ԴՐԵՄԻՆԵՐ

: Եղև վնդդեմախանաք վնդդմիմզ նանկոդոտոյ
 Եղվնեոդոտոյտոնոդ վնդդմիմզ վնտվտոմիսք
 - Կն Եղտիտնախանաք 'վ-ՈՒՍՈՐ Գ Ժախնեա մմա
 'ժրադմ Եղտիտնախանաքտիտչ 'Եղվտնեոտի
 - Եչ Խիմչանեո միտա մմվնեոդոտոյտոնո ԵնՊ : Երամ
 Կղմտառն Եղոմժրամտաոտոդոյտոմչ «Եղտմտդտն

Պրոֆեսորներ բոլոր երկրների, միացե՛ք

ՀԿՊ ԿԵՆՏԿՈՄԻ
ՊՐՈՊԱԳԱՆԴԱՅԻ ԵՎ
ԱԳԻՏԱՅԻՆԱՅԻ ԲԱԺԻՆ



ОБЯЗАТЕЛЬНЫЙ
ЭКЗЕМПЛЯР

№ 12

2014-11-11

1954